

834 B51
Oa 1871
mam

L'HORLOGE ASTRONOMIQUE

de

STRASSBOURG.

Poëme dans le dialect allémanique du pays.

Die Astronomische Uhr

im

Strassburger Münster.

Gedicht in allemannischer Mundart

von

Pantaleon Binder.

Zürich,

Verlag von S. Weber.

1872.

UNIVERSITY OF ILLINOIS
LIBRARY

Class

834B51

Book

021871
pam

Volume

Heyne Library 1909

My 09-10M

Die Astronomische Uhr

im

Strassburger Münster.

Gedicht

in

Allemannischer Mundart

von

Pantaleon Binder.



Hürdj,

Verlag von J. Weber.

1871

024051
021871
pan

„Aei, was der saget, Herr Frieder, das muess emol jo ne
Werk sy,

Wie's kein's git uf der Welt, und nie eins gäh het vor
Altem.

Hättet ihr's nummen au g'hört, was der Frieder ebe ver-
zählt het,

Wo sim Elässer B'such und der prächtigen Uhre vo Stross-
burg,

Vom e Guller wo kräjt, vo Christus und den Apostle —
Meinet, der würdet au lose, Herr Kochber, und sich ver-
wundre!

Frieder verzähl em's doch au, er het gwis e söllige Freud dra.
Eigemer do um das Tischli, und Lifeli leng is e Schöppli.
Beige wie, Herr Frieder, se redet und thuet is der Gfalle.“

„Jä, so ganz umsoft chann i kei so Wunder verzähle;
Gent ihr mir Jedes e Büechli und, Lifeli, gisch mir e
Schmückli?

Eaget ihr jo, se will i; doch 's Schmückli, das möcht i gern
gli ha!"

„Gwiß, das chömmet er über, und wenn's e netts Geschichtli
isch, no eis;

Aber der Werth muess es sy, denn e fusere Schopfemer
Jungfre,

So ne Maidli wien i git nit jedem Hospeß e Schmückli."

„He, se halt mer s Müüseli gspiht und lueg mer in d' Auge:
Was glingt au dem Frieder um so ne chospere Priis nit? —

Drum, de Hans Tofeb han i bsuecht, mi liiblicher Brueder,
Wo vor zwenzig un ungrade Johre, so lang isch es gwiß scho,
Usem Wiesethal fort, uf d' Wanderschaft fort isch in's Elsis.

I hätt en nümme gkennt, er hätt mir möge bigegne
Woner hätt wöllen, in Huus und Feld und wo uf der
Landstropf.

Er aber, woner mi sieht, so springt er vor Freude vom
Stuehl uf,

Fällt mir gli um de Hals, und rueft unter strömende Thräne:
„Sesiß, Brueder lebisch au no? Und gsiehn i di wieder im
Elsis?

Worum losch denn au so lang gar nüt meh vo dir höre?
Han i dir nit scho gschriebe mengmol, du sollestch mi bsueche?
Und du gisch mir kei Antwort! Nie en einzige Sylbe!"

„Los, hani gsait, Hans Tofeb, i hätt di gern überrascht gha;
Bis mir von Herze Gottwilche!" — Und d' Thräne han i
mir afgwischt.

Wie heisst's in der heilige Schrift so schön und natürlich?

Vers 14. Und er fiel seinem Bruder Benjamin um den Hals und weinte, und Benjamin weinte auch an seinem Halse.

Vers 15. Und küßte alle seine Brüder und weinte über sie. Darnach redeten seine Brüder mit ihm.

I Buch Moses, Cap. 45.

Sez verstand i's erscht recht, das rüchrend Gschichtli vom Joseph!

Es isch so wunderschön und so natürlich und lieblich,
Wenn i jez wieder dheim bi, se lies i's wieder vo vorne.
'S stobt no Mengs in der Bibel, erscht wemmer's erlebt het,
begriift mer's.

'S goht is Allen eso, und möchte mer doch au wien i, nur
'S Glücklich und 's Heiter erlebe, und bhnetis Gott vorem
Böse!

Wie in Egypte de Joseph — rüch isch er worden im Elsis!
I bi zwor au nit arm, aber gegen ihm e Lumpazi.
Do mi Büebli isch mit gfi — Heinerli, gel eußer Güetli
Isch z' verglichlige mit gege's Vetter's Gärten und Mühli,
Gege si propere Hof und rüche chospere Viehstand?
D' Fran isch en einzige Tochter, e rüchi Erbin vo Bruemeth.
Heinerli, wie het sie grüecht wemmer z' Morge 's Raffi hen
trunke?

„Bon jour, mi liebe Cousin! Guete Morje! Hon Sie guet
gischlofe?

Bon jour, Männele, bon jour! wie gfallt's em binis in
Strossburg?"

Und wie het sie gsait zum geistlige Herre vom Chilchspiel?
„Lueje Sie, monsieur l'abbé, min Cousin do usem Düttsch-
land,

Ganz wiit drin erus, vo Schopfe! No wiiters als Rähl leit!
Und sie sin gärn binis; mir wölle sie nünnen enus lon.“
Fründlig isch sie gegen is gsi und lieb; und der Brueder,
Was er is agfah het an den Auge, das het er is athue!
Nüt hemmer übercho as „Güllerle, Strüblen und Hüngle“
Und kei anderen Wi as vom chöstlige Wolgomer Rebberg.
Helli Augli bechunnt mer und rothi Bäckli, gell Heiner?
Bi some riiche Better, und wär i länger no blibe,
Heimbrecht hätt i ne Büüchli, as wien ne Baseler Rothsherr.
Zeige stöpet au a! I würd soft grüselig heiser.
„Wohl bechunnt's, Herr Frieder! Der Brueder im Elsis soll
lebe!

Büebli, mer gsieht dir's a, de bisch vo Lebchüechli gfuettet,
Fastebregeli, Strübli und Zuckerbrod und Rosinli.
Het dir's 's Hässli au iglegt? Zeig, was hesch do im
Chörbli?"

He, ne mol! Sag Heiner, und luege was es mir bescheert het:
Pfiisli und geli Trompetli, zuckerige Schäfli und Hässli,
Und e chuustigs Chörbli voll Eier, rothi und blaui,
Gsprenkelti und ganz wiis! In's Gärtli het em's der Haas
glegt,

Hinter's Gebüsch und d' Hürste, und 's Buebli hätt en bald
gfangen!

Hättem nit dummer Wiß der Better no d' Gartethür uf-
gemacht,

Gfange wär 's Hässli gsi, und Salz hätt 's uf 's Wedeli
gstreut b'cho

So, mi Heinerli mueß wieder abe, sie hen keine Chinder,
Und der Liebling isch er vom Bäsli, sie wölln e runduus.
Doch er hätt 's Heimweh gha, und es wär mir jez selber
nit Recht gsi;

Später wird er mir älter und hoffetlig gschidter, und
briegget

Mümmi aß wien e chlei Maidli, wenn öbbe der Metti allei
goht.

Schaugeli hen sie ihm igracht, e hölzernes Rößli g'haust gha,
Und spaziere hen sie is gfüehrt umher in der Segnig,
Uf den Odilieberg, zue de Schwiegereltern uf Bruemeth,
Molschen und Muzig und Barr, und bis uf Grendelbruch
hintre.

Aber am zweite Tag, se het mi der Brueder in 's Münster
Gfuehrt, in 's stolz, großmächtig, und Alles zeigt und ver-
düttschet.

Meinet, der solltet 's au fäh — was wott au de Stettener
Chilch sy?

Oder 's Rößlemer Schloß? Und selber z' Basel Sant Peter?
Nüt isch Alles dergege! Und stellt mer sie usenander,

Drei St. Peter, se glaub i, 's möcht chuum e so hoch und so
groß sy!

'S isch z' verglichlige wien e Bütchelhind gege d' Muetter,
Oder wie soll i au sage? Ne Schopfemer Bug gegen d'
Möhrel

Herrlig Wetter isch 's gsi und blauer heiterer Himmel;
D' Lüftli und 's Himmelslicht sin liisli um d' Chisken um-
g'wahlet,

Wohl isch's mir gsi um 's Herz, as i 's Glück unter so viele
tausend

Menschen uf Erde soll ha, so ne Strossburger Münster emol
z' säh!

So ne Meisterwerk, as mer 's schier nit cha denken und
glaube,

Das es e Menscheverstand usdenkt und e Menschehand
gmacht het!


'S isch mir fast gange wie Sellem, mer sait, 's seig e Buur
gsi wo gfrogt het:

„Saget mir au, Herr Nocher, isch denn der Münster au
hie baut?“

„Nei, sait er, Michel, nit hie — mer het en vo Sagenau
gfahre!“

Zeigaff as du bisch! So het 's gwiß der Buursma nit
gmeint gha;

So ne dummi Frog hätt öbben e Her us der Stadt thue;
Aber e rechter Buur frogt finer Lebzig so dumm nit!



Mei, het er gmeint, 's cha nit sy, aß en Erdechind so ne
Wert macht;

Das hen d' Seraphim baut und d' Cherubim, aber nit d'
Mensche!

Set is Gott Vater nit selber das Wunder vom Himmel
herabgloh?

So isch 's em gwaltig vorschö, und d' Mensche so winzig
dergege!

'S Bildwerk han i jez bschaut. „Lueg, sait mir der Brueder,
dört obe

Ueber der Chiltethür sitzt d' Muetter Gottis im Thronstuehl,
Und uf beide Site vom Thron sind Chönig und Chaiser,
Ihr zue Füßen, und witer's unten Adam und Eva,
Moses und liebliche Engel und Christus und die Apostel.“

Biel het der Brueder verdütscht, mer cha's aber nit Alles
bhalte:

Denn im Strossburger Münster isch schier für e Menschengaug
z' viel z' fäh!

Wiederum han i sie agluegt, d' Chiltche, und denkt, wie viel
Gäng's au

Wohl mag g'hostet ha und Menscheleben und Gelder,
Bis es Stei uf Stei isch gstanden und Thürmli an Thürmli.
Stoht mer unten am Tgang, se sieht mer obe fei End
meh;

Wien i so ruckwärts lauf und nuf lueg und denk: „Se, bi
Gollig,

Ich würd doch au ne mol an 's End und an d Spitze vom
Thurm fäh!

Isch er denn wie der Thurm vo Babel in d' Wolke ni baut
Und in de Himmel?" Se stoß i mit aller Gwalt an e Saß hi,
An e Welschhornsaß han i gmeint — won i lueg isch 's e
Her gfi!

Ebe groblet er uf und bruttelt vor sich im Born hi.
„Sapperment, han i denkt, jez isch gfeht! 'S isch e vor-
nehmer Her, daß!“

Sait mi Brueder: „Was machsch au Frieder? So lueg doch
au fürsi!

Heinerli, was springich fort? Chumm nur, er dörf dir nüt
g' Leid thue!“

„Brueder, sagi, chumm! Und zupf en am Ärmel, mer wölle
Dem usem Weg, denn hüt passirt soft gwiß no en Unglück.“
Druf sinmer inen in 's Münster. Wie han i do d' Augen
au ufthue!

Das großmächtig Gwölb und die prächtig Orglen und
Changle!

Gmolte Fenster uf alle Site und hinte und vorne!
Und e röthligs Liecht isch dur 's ganze Münster higwahlet,
Lieblicher Widerschi vo de farbige chospere Fenster.
Lauft mer dur's Münster dure, vo vorne gegenem Chor zue,
Sieht mer vom Mittelgang ab uf beide Site Chapelle.
Sä, und was für Chapelle! Was isch euser Chilchli dergege?
Gliglige Glasmolereien in alle Farben und Liechter,

Gschichten us der Schrift vo Christus und den Apostle,
 Vo der Muetter Gottis, de jüdische Richter und Chönig,
 G'molti Bilder am Altar und Chränz und silberni Leuchter!
 B'lest chunnt men an en Örtli, mer meinti 's seig au e
 Chapelle,

Luegt mer aber recht, so stoht vor Eim d'Etrosburger Uhr,
 Prächtig und großmächtig! Sie nimmt alleinig e Wand i!
 Mengi han i scho g'säh, Schwarzwälderuhren und Spieluhr,
 B' Basel die ufem Rothhuns und die propere Uhr vo
 Sant Peter,

Aber es isch kei Vergleich, denn d'Etrosburger isch was
 Apartigs!

Chunnt mer z'erst dervor, so weiß mer nit was mer soll
 sage:

„Das en Uhr? So wohl! So han i, bi Gollig, no kein g'säh!
 Das isch e Bildschneizerei, ne Molerei, so ne propere,
 'S sind jo luter Figuren und Bilder in goldige Farbe!
 Brucht au en Uhr so ne G'stell, wohl größer as d'
 Schopfemer Orgel?

Hört mer 's aber schlage, so bechunnt 's gli en andri Bidütig:
 Alles biwegt sich und lebt, und allei durch's mächt'ge Uhr=
 werk!

Öbben e Viertelstündli vor Zwölfi sinmer scho dört gfi.

„Wennmer en ordlig's Pläzli, e guets will ha, fait de
 Brueder,

Mueß mer zittli cho, mer b'schauen en andermol d'Chilche —

'S Heinerli wird soft verdruckt, und sieht au gar vo der
Uhr nüt."

Woher isch es gsi, was er gsait het: e Bolchspiel isch es no
worde,

Buurslüt und Herelüt — 's isch am Friburger Johrmärg
nit ärger!

Vor is isch Einer gstande — er het is de Rucke noch zue
dreht —

Won i nen alueg, se denf i: „Der het jez an ne kurios
Hoor!

Ganz perfect wie Schooswulle gringelt! Es muess e Baruck sy!"

Wien i der Heiner uflupf, und will an der Uhr em was
zeige,

Stoß i an dä Fremd — Won er umluegt, sen isch es e
Mohr gsi!!

„Was der saget, Herr Frieder, e Mohr? Se hent er e
Mohr gsäh?"

Trilli, sagi, ne schwarze Mohr, liibhaftig und lebig,

Choleschwarz im Gesicht! O Cherli, e rabeschwarze,

Glihliger no as do 's Leder an mine Friburger Stiefel!

Dicke ufdunseni Lippe, e platti, dotschigi Nase,

Wulle statt Menschehoor und e grussige Gofche — Pfui
Teufel!!

'S Heinerli het em gförcht: „Was isch au das für Ein, Ätti?
Chumm, mer wenn do ne weg! Tä, git 's uf der Welt au
e so Lüt?"

„Fürcht dir nit, Buebli, 's isch nüt! Er het sich hüt Morge
nit g'wäsche,
'S isch e Kaminfeger'sgfeß vo Strossburg, er will numme d'
Uhr fäh.“

Liseli, dir lueg i lieber in d' Augli aß so me Cherli in d' Fraße!
„Was mer doch au nit sieht, wemmer uf der Welt e so rum
chunnt!“

'S sind no Vielerlei dört gfi, Rothi, Bruni und Geli,
Wie mer sie finer Lebzig bi eus im Oberland nie sieht;
Türken emol seig es gfi und Spanier und Amerikaner.
„Wintweg, han i denkt, se seiget er, was der wöllet!
Bi eus d' heim sieht mer doch au aß wien e vernünftige
Mensch us,


Bi eus d' heim spricht mer doch dütsch, und der chönnet mir
gstohle werde!“

Sez han i d' Uhre bschaut. „Sez, sait der Brueder, muesch
Ncht gäh.

'S sin no feuf Minute und gli wird 's afange schlage.
Siesch die Chugle, die groß, die blau, mit goldene Sternli,
Das stellt d' Erde vor und isch in ew'ger Biwegung;
Luegt mer sölli g'nau, so cha mer sie fäh sich biwege,
Obben e bizzeli schneller aß an der Uhre der Zeiger.

In vier e zwenzig Stund lauft sie um sich selber emol rum,
Und im ganze Johr emol um d' Sonnen am Himmel.“

„Mei, was de saisch, Hans Josef! Se biwegt sich d' Sunne
nit selber?



Das isch doch au nit wöhr! Wie chönnt sie denn unter und
ufgoh?"

„D' G'lehrti b'haupte 's emol und mer müessenes glaube;
Sie sage,

'S seig mit der Erd und der Sunne wie mit eine Schiff ufem
Wasser;

Fahrt men am Ufer vorbei, so meint mer halt 's Ufer biweg sich
Und das Schiff stand still; oder wie mit em Tsebahnwage:
Fahrt'sch im Wage vorbei am en andre, wo ruehig und still stoht,
Lueg so g'nau aß de witt, du meinsch halt der ander biweg sich!
So seigs mit der Erde, sie thieg sich alleinig biwege,
Und was Alles no druf isch, Hüser und Menschen und Wasser —
Alles biweg sich um d' Sunne, die ewig müüfeli still stand.“

„S chönnt emol eso sy, und 's goht mer bi Gollig e Liecht uf!
Was mer nit Alles usdüfelt, wemmer so grüselig glehrt isch!
Isch sell nit der Mond, in sellem goldige Feld dort?“

„Trilli, sait der Brueder, im zweite Viertel vom Monat;
Der biwegt sie au, und zeigt de Vollmond und Neumond.
Sieh'sch dört obe de Thierkreis? Ebe stöhn mer in Steibock.
Und seller goldig Wage mit em Chönig druf und dem Adler?
Das isch e Heidegott, de Jupiter sait mer em soft no.

Was hemmer hüt für e Tag? De Donnerstag meini, dem
stoht er

B' Gotti vor Andere, und lueg, 's isch in wälsche Zeiche dra
g'schriebe.

Jeder Tag het e Gott, monem Name git und Bedütig,

Jeder Tag chunnt en Anderer, um Mitternacht tritt er si Unt a.
Siesch sell Männli dort unte? Mit em lange Pfeil in der
Rechte?

Das zeigt hi uf de Datum vo jedem Tag in der Woche;
Es blybt ewig stoh, aber d' Platte dreht sich im Chreis rum;
Alli Tag im Sohr sind in goldige Zeiche druf gschriebe,
Hüt isch der zwölft April und Morge zeigt er uf Drizehn.
Alles was mer do sieht isch aber gegen em Uhrwerk,
Innen im Gstell gar nüt, und das isch d' Seele vom Ganze!
I verstand wenig derwo und d' größti Gehrte verstöhn 's
chuun."

Der isch au gschidter gsi, aß em Simme Seppli si Hans Sörg,
Gell, Hans Söfek, sagi! Was het au dä für e Chopf gha,
Wo so ne Wunderwerk erfindet, so ne verstuunligs!"

„Lueg dört obe si Porträ; i han e selber no guet g'hemnt,
Monsieur Schwilgné het men em gsait; 's isch e fründlige
Ma gsi,

'S isch e glunge Bild und gar natürlig und treu gmolt,
Wien er si Chopf in si Hand stüht, do sikt und sinnet und
nodenkt;

Meint mer nit, mer mueß mit ihm schwäke, so luegt er Sim
frei a?

So, zwo ganzi chuustige Wäge voll soll er Papier nur, —
'S hätten sich's zwo paar Dchse chuun erschleppt und erzoge —
In siner Rechnerei verchriklet ha und verschrife,
Bis er Alles usdüftelet het und zeichnet und grechnet!

Bolli zwenzig Johr het er schier de Chopf sich zerbroche;
 Aber 's isch ihm au glunge, si Werk, wie selte no Einem!
 Menger opf'reti's Lebe, gönnt er so Obbes erschaffe.
 Siesch die Engeli dört und der Tod mit der Sense dört obe?
 Christus der Herr witer oben, und neben ihm stoht en Apostel?
 Links uf der Site der Guller, hoch usem Gstell in de Lüfte!
 Alli Zigürli sind lebig und Alles biwegt sich durch's Uhrwerk.
 Los, jez fangt 's a z' schlage, jez gib mir ordeli Achtig!
 Z' erst schlagt d' Münsteruhr Zwölfi in langsame, dumpfige
 Töne,

Druf se — aber do stoht Ein, wo's enere Herrschaft verdoll-
 metischt

In der Elsfässer Sproch, wie sie z' Strossburg reden im Elsis.“
 'S isch e pfuusbackige Cherli, e g'spässige gfi, e runde,
 Het e Glazhopf gha, und aß wien e Stadtvogt e Büüchli,
 Und bim Hexefrisire zapplet mit Händen und Füesse —
 „Stelle Sie sich, het er gsait — i sag's jez grad wien er
 gsait het —

Stelle Sie sich do hin, mini Herrschaft, do in das Eckele,
 Aß Sie de Godler au gsähn, wenn er fräjt — Sez gäbe
 Sie Achtung!

Z' erster schlauijs Zwölf uf der Münsteruhr, uf der große,
 tenez:

Gens zwei, drei, vier — lueje Sie jez uf des Ürel do vorne!
 Gsähn Sie das Mengele, wie's Hämmerle hebt und uf's
 Glöckele Zwölf schlauijt?

Das isch prächt, nit wöhr? So hon Sie wäjer no nix gsäht
 Und wann 's g'schlaue het, dräht 's ander Aengele d'
 Sanduhr,

Dort uf der rechte Zit, tenez, hon Sie 's gsäht? Das isch liebli
 Nest-ce-pas? Aber jez hebe Sie d' Aujen enuf und gsäht Sie
 Wie der Tod jez, tenez, jez schlaue er langsam bidächti
 Mit seiner Säns uf 's Glöckel — höre Sie? Und isch er ferti,
 So spaziert das Männel, das alt, dört unterm Thörel.
 Wo der Rächte zur Linken, und 's Buebele präsentirt si.
 Wisse Sie, die Zigerli müen d' Menschenalter bidüte.

B'ersten isch mer e Buebele, wemmer 's Strossburg uf d'
 Wält chunnt,

Durf e junge Mänsch, durf e Mann und am End en alt's
 Männel.

Eh bien, son isch es do au! Und hinter dem Buebel stehn d'
 Andre;

Mi drei Stund präsentirt si en Andrer, e jeder à son tour.
 A présent lueje Sie! Gsäht Sie! Jez gehn die Apostel, die
 zwölfe,

Langsam an Christus vorbei; über jede macht Christus de Säge,
 Und sind vier vorbei, so kräht der Gockler dort drübe,
 Aber zum erste Mol; und wann wieder viere vorbei sin,
 Kräht er zum zweite Mol; und wiederum viere, zum dritte.
 Nochher macht Christus de Säge, aber de letzte und große
 Ueber d' gan; Wält und die Mänsche, und au über uns
 mini Herrschaft.

Dann, mini Herrschaft, empfähl ich mich Ihne ganz unterthäni
Ihrem Angedenke und mim Douceur no Beliebe; —

Mais tenez, gsähn Sie, wie Christus de heilige Petrus
Sez säjt, und ject de Jacobus — jez schlaujt der Gockler sin
Flejl —

Ki-Kerikii! — Hon Sie 's g'hört? Und lueje Sie d' Lüt wie
sie lache!

'S isch so schön und natürli, aß wien e natürlicher Gockler!
Miner Seel, 's isch lächerli schön! — Aber lueje Sie jez
Wird der Johannes gsäjt, und zum zweite Mol kräjt jez
der Gockler —

Ki-Kerikii! — e bizzele ruucher im Hals isch er, schiint's mer,
'S isch aber gar nit zum Stunne, er schreit jo so lut
und so lang schon.

Sez säjt Christus wieder — de letzte von den Apostle —
Lueje Sie! — Ki-Kerikii! — 's isch brav gsin, Gocklerle, das
Mol!

Wien er die Flejl schön schlaujt! Gwiß s' isch alleini der
Muej wärth,

Aß mer uf Strossburj kunnt nur wäje der Uhr und em
Gockler.

So, jez hämmer der Säje, und jez isch ferti und fini.
Sez wurd der Münster gschlossen und d' Crypte gsähne Sie
morje —

Ufem Thurn sin Sie gsin und 's Büchele hon Sie jo o schon,
Gehue Sie aber nur o in d' Thomaskirch, für em große

Marshall de Sage sin schön Monument zue gähnen, das
prächti!

Merci bien, Messieurs, et bon jour! Lucje Sie, do geht
der Wäj nuß! —

E Fünfliberstückel, und lucj mer was für e goldigs!
Miner Seel, eh bien! Hüt isch doch au der Mäej wärth
gsin!“ —

Hent er's an Alles verstande, he? Debben isch es üch d'
Welsch gsi.

Drum sinmer Welschi worde, gell Buebli? bim Vetter im
Elfs.

„Trilli hemmer 's verstande, Herr Frieder, fast Alles uf 's
Wörtli;

Spanisch e bizzeli chunnt 's Ginn vor und grüselig gspässig,
Wemmer so guet dütsch redet, wie mir in Schopfen und
Huuse.

Druf sinmer use mit Alle. „Se bhüet üch Gott Münster
und Uhre!

Han i so für mi denkt, der hent mir e söllige Freud gmacht.
Gsiehn ich euch wieder, so seid mir Gottwilche! Und wenn
i jez heimchumm,

Will i 's denn Alle verzähle, daß sie üch au ne mol bsueche.“

Gfähe muess mer sie ha mit sine liiblichen Auge:

Denn d' Figürli, wie prächtig sie gmacht sin, und sich natürlig

Wie lebendige Mensche bimege, und d' glihrige Farbe,

D' goldigi, d' blani nud d' rothi, die drüber vermolt sin,

Und der Sonneschi, wie Alles lieblich verchlärt isch!
 Cha men Eim nit bischriibe — das muess mer fähne mit
 Auge.

Chömmet er öbben in d' Segnig, se löhnt sich 's jo nit
 gereue, —

'S chostet jo nit viel — uf Strossburg g' go zue der Uhre;
 Weger, i chan sich sage, der werdet euer Lebzig dra denke!
 „Chum jez, sait der Brueder, d' Suppe wird scho ufem
 Tisch stoh.

Swor mer hätte no viel g'säh, mer chömmen en andermol
 wieder;

Nur das Monument, wo mer gli do treffen um 's Eck rum,
 Bischaue mer no ne wengli; 's stoht is grad ufem Heim-
 weg.“

Bschaut han i Alles und agluegt, wenig aber verstande.

'S isch mir Alles g' glehrt, und 's goht mir Alles viel g'
 hoch nus.

'S isch so ne Denkmol, wisset er, wie mer sie g' Basel wohl
 au sieht;

'S sin Zигürli druf und en isernes Gitter isch drum rum,
 Und uf Welsch druf gschriebe was er isch und bedütet:

'S heig emol Einer g'lebt, mer heig e de Gnetenberg gheisse,
 Hie bi de Strossburger unte, der Sellem gliichsieht wo druf=
 stoht,

Gshiidit seig er gfi und heig d' Schrift und d' Buchdrucker=
 chünsten erfunde;

Vor finer großen Erfindig heig mer vom e Gibetbuech,
 Vom e gedruckte nüt gwüsst, vergschwige vom e Chalender,
 „Dir hemmer 's also z' verdanke, aß mir jez so ñe Chalender,
 So ne schöne; mit prächtige G'schichtli und propere Bildli
 Überhömmet jeds Johr, han i gsait und han em de Huet
 glupft.

Hättsch nit grad eso Ein in der Hand, und stündest do
 vor mir,

Warm und herzlich wott i sie drucke; se bis mir Gottwilche!“
 D' Lüt hemmi agluegt aß i de Huet luf und so für mir
 hi schwäg.

„Queget wie der went, ihr Narre! Es goht üch jo nüt a!
 Wenn der wüßtet wer dä wär, der thätet em gwiß au meh
 Ehr a.“

Jez sinmer heim zuem Bäsli und zuem e chöstlichen Imbis.
 Aber zuem zweite Mol sinmer hüt in 's Strossburger
 Münster,

So, und mer chönnen ebe direct vo der Strossburger Uhre,
 Gell aber Heinerli? Vor e paar Stunde hemmer 's no
 g'stunnt,

Und jez siche mer scho do bin üch, im gmüethlige Stübli!
 Wie der Wind im Nu isch mer hütigs Tags in der Welt rum,
 Ufem füürige Noß, das schneller fliegt aß e Vogel.
 Gar viel hemmer no gsäh, i würd in 're Woche nit ferig,
 Sollti gnau Alles verzähle! gell aber Büebli, 's isch gwiß
 woht?

Wie mer de Vetter verchüßt und verdrußt hen und B'hüeti.

Gott gsait gha —

Heilig hemmer 's versprochen ihn wiederum ;' bsuechen im

Frueihjohr —

Simmer im Handumkehr gli uf der Rehlemer Bruck gsi.

'S chunnt Cim schunderig vor, wenn der Dampfwege über
sie hibruust,

S zittert Alles an Cim und au an der iserne Brucke.

Das Geziß und Gerassel in so men iserne Gefängnuß,

Ufem unbändige Strom — igschlosse von alle vier Site!

„Wenn 's jez au brächet! denkt mer, Herr Jesi, was machet
mer do au?“

Do ging 's Cim au schlecht! Was meinet er au, Herr
Nochber?

Do ging 's Cim wie de Lüte, wo ime Honibus ;' Irland, —

In der Zitig isch 's gstande die Rämting, — igschlosse gsi sin,

Und der Honilibus isch uf der stüigige Landstroß

Immer hinterßi grutscht, immer hinterßi bis an e Gumpe;

Aber uf Cimol plattscht er do ine mit Rößli und Fuehrmann!

Bornehmi Lüt und gringi sin drin gsi; e Mutter und Tochter,

'S seig e jungs Maidli gsi, en achtzehnjähriges, e bildschöns,

Ebe vo Tanz und Lustberkeit cho und heimezne gfare.

Das Gschrei cha mer sich denke, vo dene Lüten im Wage!

Einer höb no de Chopf rusgstreckt und gruefen um Hülfe;

'S het aber Alles nüt gnugt, mer hettene nit chönne helfe;

Alli sin sie verstickt und erbärmig im Wasser vertrunke!

„'S isch e truurige Gschicht und das jung Maidli, das
duurt mi!

D' Muetter au, si duure mi Ali. Ein d' Rößli au uncho?“

„Alles mit Mann und Maus! Und gstramplet hent sie bis
g'leht no.

Im en Augenblick isch Alles müüfeli todt gsi.“

'S mueß öbbis Gräßligs gsi, so vor den Auge de Tod g'säh,
Und mer chan Gim nit helfe; 's seig no derzue in der
Nacht gsi!

Do chunnt Gim ohnehi Alles schuudrig vor und grufig.
Hent er au scho, Herr Nocher, e füürige Dampfswage
gsähne,

Bi der Nacht? Mit de schwarze Mähne, de sprüehende
Gosche

Und de bluetrotthe füürigen Auge? Das scheußliche Un-
gthüm!

Wien es so müüfeli still, wien e böser Geist Gim derher-
schlicht?

Wemmer 's zuem erste Mol sieht, sen isch es Gim au nit
um 's Lache

D' Hoor sinmer schier g' Berg gstanden, und 's Bluet de
Buckel nagrießlet,

Weger, so han i mir gförcht! Doch aber nit ärger as 's
Büebli,

Obem Issteiner Chloh, do im Thurmel oder wie 's fofst
heißt,

Wo mer wieder derdur vor dritthalb Stunde jez fahre.
 „Nöcher isch es nebe mi gessen, und het mi am Arm gno,
 Und gruefen in Aengsten und briegget: „D Ätti, sag Ätti,
 wo bisch denn?“

„He du Märsch, do bin i, do sihi jo nebe dir, Buebli!
 Geseh mi denn nit am Ärmel? Bis ruehig, mer sin jez gli
 duße!“

’S isch mir aber selber gar nit so lächerig z’ Mueth gñ,
 Bis is der Tag, der hell het gschienen und d’Sunne het
 agluegt.

Aber jez siemer do im gunethlige Stübli am Tisch rum,
 Bim e Gläsli Wi und bi heitere Mensche, bi guete;
 Set is e Gföhr öbbe droht, sen isch sie jez überstande.
 Drum, se stoßet a und trinke mer Allen is Gfundheit,
 Aß mer no lang mitenander huusen in Liebi und Fründ-
 schaft,

Und no Mengs erlebe, numme kei Chriß und kei Elend!
 Gan i jez ’s Schmückli verdient? Was meinet er? Schwäket
 Here Nocher!

„Trili hent er’s verdient! Zeig, Vifeli, bis mir so schüüch
 nit!“

Maideli, ’s battet nüt! I will’s, i muess es ha, chumm
 denn!

Das schmeckt aber süess wie Marzipan und Rosinli!
 Wüßt’s au d’ Schopsemer Buebe, sie schlüegget sich bluetige
 Chöpf drum.

D' Stroßburger würden au luege wenn so ne properes

Maidli

Öbbe zuenene chäm, der müesset 's jo nit vergesse! —

Jeß isch accurat uf der Stroßburger Uhre halb Zehni,

Luege do ufem Zitli! I ha 's uf d' Minut derno g'richtet. —

Heinerli humm, jez geh mer an heim und verzähle 's em

Bässi.

